




(101800)

神池縣志卷之十

藝文



明

移建利民觀記

山西按察司 申維岱

利民之陽近郭叅將計公安國建利民觀甫成岱以
巡歷之役至衆請記曰五岳行祠舊在嶺巘棟宇頽
圯聖像獨存神之靈昭已迨妥以新觀靈貺益顯利
舊井弗涿且遇春嘗不敷汲近鑿井二根俱得泉水
甘冽環利遠村亦賴之歲旱三月望既徧奉文祈雨

山西省圖書館
地方文獻

05143

獨利之境内得澍沾足苗今碩矣茲非神之佑乎岱
曰嘻神民之庇也地出醴泉天降甘澍謂非神之佑
不可也然謂在觀成不知上禩之旱亦獨利境偏雨
觀未建也神亦何佑乎於戲神民之庇亦民之依也
民不堪命而強以事神神將靈貺異乎余往巡歷見
利之軍容邊備時時改觀莫非民之力也迺復致力
役此果神使之乎抑有其由乎衆憮然曰利城舊不
通輓粟頗貴民未聞教怕犯名誼又免人黨結嚇騙
盜竊為良弱害自計參府到開車途通朔粟已得運

價平叛社學明

聖諭民以興行立軍中保甲消暮戎禁朋奸地方以寧老有
莞獨結斗行戶糊口少而雋秀羣之社學代備束脩
軍中旗幟之易舊皆出於軍也則恐開科擾出自己
供億置之於凡興作則每體恤其私真慈父之於予
民膏感之殆赴蹈湯火不辭矣茲之成觀有孰使手
岱曰噫是已亦知公名觀之心乎蓋觀者觀也示也
公於利民之事固罔有不盡矣然恐有時而懈故名
觀以儆之又示後之人皆知利民事咸職分內事也

胡不悉心圖之詎可曰我武臣也知有戎務而已哉
不然神曰五岳曷以利民名又不曰五岳行祠而曰
利民觀乎衆曰呼衆以曰利民或因城得名曰觀若
見其屹然壯也烏知所謂觀與示願筆以為記

國朝

神池清界碑

甯武郡治背倚黃花嶺迤北羣山之麓有池一泓湛
然清澈無燠乾不潦溢若有神焉武憑之故池以神
名而城即以神池名自代以來歷有年所矣我

國朝聲教四訖窮巖僻壤化洽風從無遠弗屆雍正
三年歲在乙巳當事者請於

朝改衛所而郡縣之即神池舊堡立為縣治牧以令長
而名仍其舊乾隆戊午不佞承之茲土踵池而觀文

老子弟備述茲池景物之異且言環池之地歲久湮
於農民耕種多所侵牟澄泓浩淼已失其故乃詢於
耆耆跡往輒而復古岸諸生侯世官者已價購侵地
二千四百餘步矣不佞以閒田如數畀之易以歸池
原界乃定竝其廣弱以正畛域南北凡袤二百七十
有五步東西數亦如南北之袤計田三百一十五畝
有奇週環植柳以為蔭而舊觀斯復邑父老子弟皆
欣欣色喜波光潏灩淪漪滌洄居然一邑之勝焉因
告環池而業者勿或越畔而耕而瘠池以膏其家刻

石記之使示夫永久

神池學記

前人

我神池伊古為冀州北鄙在樓煩之境秦漢以還始
制為郡縣其於縣也或為新城或為鄯陽或為寧遠
或為招遠其屬郡也或為定襄或為雁門或為新興
或為晉昌其屬州也或為武州或為毅州或為朔州
又其別為桓州其屬軍也或為振武或為順義或為
宣威或為寧遠雖歷代沿革不同要皆尚武事而不
修文教蓋干戈甲冑之日而俎豆禮器之事未之聞
也然以我神池之地言之寧武為太原之屏藩而神

池實甯郡肩臂今登黃華之上流覽秦漢下逮元明
之故迹誠洋洋乎一大都會矣東則朝拱京華而
驛直通上郡而且利民八角雙城峙後翼衛森嚴遠
之則偏老水泉為我襟帶豐勝雲中皆可控引以為
四通五達之區列塞嚴疆胥效臂指是我神池建邑
啓宇係於晉北之形勢者甚重况伊古以來界在夷
夏之交雖開闢日久又皆尚武功少文事及列朝不
乏偉人其崛起而傳史策者要皆以經行陳胙土分
茅至於文學之事從未嘗有所發揮而揚詡非特所

處之時有異或亦上之人無所以導之也今者太平
既久

聖朝文治光昭煥若日月仰觀天運之周迴中參人事之
幹轉俯察地道之蟠結三者適合而值其盛固宜神
邑士氣踴躍發皇千載一時也我

世宗憲皇帝御極雍正三年歲在乙巳改天下衛所而郡縣
之即前明神池堡為縣隸於甯武設令長等官以禮
其人民社稷並設訓導一員使掌學校興教育俊偉
豪傑之士將見我神邑名山大澤伊古以來磅礴鬱

積之所鍾孕必挺生不世之才陶成於黌宮頽壁賴以寅亮天工霖雨天下是

國家設立學校不惟化邇鄙凌競武建之氣歸於仁讓禮義之風而樹德即以樹人實為萬世無疆之休矣不佞以中州末學乾隆三年冬至日身蒞其土恭謁聖廟見其制度恢宏甲於鄰境及進博士弟子員與之周旋揖讓講論道義其彬彬郁郁美秀而文者比肩接踵雖我中州素稱多士與鄒魯挺篤者亦無以過為乃知風氣之積有開必盛而伊古以來混茫堙闕

從未發洩者特惟我

聖朝芥秘其精英令乃大啓之以光耀

文明之運也溯厥建學之初實為前署縣事深州張公國正宮墻式煥規模宏遠我神邑士子瞻仰

廟貌而駿奔俎豆其有志於聖人之道者皆蒸蒸不變蓋化其武建凌競而導於仁讓禮義之中者非朝伊夕矣大非化其武建凌競回心向道勇猛精進倍蓰尋常以較沉潛敦厚之才尤至捷而至篤者所謂行仁義而既效者也但縣設於乙巳而學宮至辛亥

府志卷一
之秋乃建立焉。邊徼文風此為權輿。未有碑文以志其盛是。

聖朝建學設教之初制奕世而下或無所攷証以脩典故士子之澤躬仁讓禮義以化其武健凌競之風者久亦忘其蒸蒸日上變之所由來矣是以溯厥立縣建學之本末而刻諸石所願入斯學者務體興賢育才之意進德修業之資裕經濟於平時敦信義於夙昔他日得志則必能行道濟時澤民致主不徒以小成自安青衿自好僅僅誇耀里巷婦孺之耳目雖少異於

鄉人而終不免為常人也是在多士之自勉而鐸斯土者竊有厚望焉。

宮榮五公傳贊

江振基

宮公世昌字榮五先世安徽壽州人明永樂間遷晉
之雁門遂家神池傳十四世至公公幼而質直謹繩
墨蹈規矩將冠補博士弟子員即既食餼就教職候
銓以母蔡太孺人多病固棄舉業專事岐黃之學躬
親調劑晝夜無少疏懈與兄茂園公異母而及愛彌
摯泊茂園公歿子樹芝方七歲公撫之逾已出自就
傳以及入學拔萃以養以教數十年如一日不欲樹
芝分心家務命次子樹楓代理之專勗以努力科名

上承兄志蓋孝友根於天性然也神池地故貧瘠偶
遇凶歉瀕死者枕藉公必竭力之能濟者不稍遺而
後止迨醫學益精四方延致雖極遠不告瘁至於捨
藥施方散布鄉曲全活綦衆人感其惠而已不居尤
其陰德耳鳴者先是學中議請當道以孝旌公測然
曰事親人子分內事不能報罔極之德於萬一而又
因以為名厥罪滋大力拒之嗣舉孝廉方正科有司
屬意公愈堅辭不受夫人有一能皆喜自見故實未
至而望已過惟無求於外至之譽者為一事必盡其

誠斯優游中道不失為鄉里善士太平風俗用以長
久雖勲業無門施實亦世教所係也性恬退澹任進
晚年築圃於城南之隙地以時耕讀於其中卒年七
十有五樹芝為余典學山右所得士不忍其從父德
澤之沒爰述崖略屬為傳

贊曰嘗觀古人所記畸人軼事多竒怪絕特可喜之
行世亦樂稱之蓋庸德者衆人之所去也以余所覩
宮公行事何其醇篤愿慤敦行不息君子歟位不顯
而望尊力不厚而惠普顧猶抑然自下獨完其志非

有德者孰能之其賢矣哉

宮階三懿行碑文

神池縣知縣 黎 銓

昔人云立德立功立言是謂三不朽竊嘗流覽簡策其德業事功之彪炳天壤者固史不絕書即一介之士存心有濟身雖未獲通顯而好行其德宗族鄉黨翕然稱道弗衰非言行心術感孚有素者烏足以及此居恒心慕之而莫或遇之純品固未易易也嗣蒞武州耳熟階三先生其人者以諸生寂處城南往見之言論丰采和易近人得一識面為快邇其白華養志常棣孔懷孝弟克敦人言無間其諸務本之君子

歟外而和隣睦族交友親賢莫不各有道以處時與
白叟黃童值恒以道義敦勗人亦樂其誠而服從其
或邑有大舉慨然身任而不疑勞怨在所弗恤無私
故也性聰明尤精岐黃術有求輒往務痊而止不受
謝亦不矜切砥礪隅廣行陰隲鄉隣賴之尤足慶者
同氣連枝一堂聚首暇日督課維艱講論弗輟類能
聯翩競爽黌序蜚聲遂以選拔冠其軍秋闈并登鄉
薦咸謂乘風破浪萬里扶搖政事文章大有造於邦
國直操券獲耳迺暫羈驥足藏器待時追縱王彥芳

郭有道諸先哲之為人群從而敬畏焉余亦亟稱之
以樹厥風聲俾邑人知所矜式武州有澹台此物此
志也詎五袂未臻溘然長逝果修短有數耶抑修文
名速耶烏從而知之彼都人士哀惜焉痛慕焉而愈
不能忘以德行言功雖大小出處之不同足以不朽
則一奚忍沒其生平而不為之表暴也僉擬叙言以
貞諸珉恍獲覩其風規而永懷其懿範即行道見之
并悉鉄中錚錚庸中皎皎野處而不匿其秀昇日太
史輜軒採風問俗藉以登志乘而著簡端一邑之光

亦一家之慶也余不敏弗獲以不文辭爰泚筆而述
其際云

宮氏烈女傳

孝廉 宮槐庭

神邑僻壤也雍正間改鄆陽堡為縣治府誌前屬衛
所地僻人稀文人絕少一時忠孝節烈雖有可傳而
人拙筆墨艱於記載不得不聽其湮沒宮姑烈女之
不傳誠可惜也姑婦人不傳奚足惜惜其節烈姑之
節烈人不知予焉得而知之予偶聞之族人道光禁
夏予與族人散步經舊堡之大樂樓底有屋數間族
人告予曰此簷下舊有匾予幼時曾及見之今已立
矣予曰何匾族人曰宮氏烈女之匾也予問姑為誰

族人曰姑忘其世係不知出自祖某從夫氏呼曰吳姑適吳吳氏貧甚母家給衣食無缺偶有餘夫盡浪費姑無怨言夫欲猶未厭也夫無賴嗜酒每縱飲不能具燈燭姑立地下燒葦侍之飲畢方坐克盡婦道大都數類此一日夫自外歸揚言曰予鬻汝矣姑疑忘言置不理後催迫甚急方覺鬻婦真情也絀夫出自經邑人哀之鳴於官官吝費不以上聞未旌給匾以塞責予幼詢諸父老得其顛末汝不知否予曰今始知之嗚呼姑特一巾幗耳舍生取義激烈無雙比之古烈女亦不多讓假使得遇通儒載入誌乘百世後餘韻流風堪與日月爭光不幸域於荒陬下邑之中旌表不逮記載無聞使貞烈之淑女抱憾於地下良可慨也予聞之有感爰立小傳以期流芳於奕世亦名教綱常之一助也

勸捐書院經費啓

歲貢 宮凌霄

蓋聞樹德務滋始收百獲之利為山宜進莫虧一篲
之功譬彼耕田草萊既闢而嘉種弗播何以望大有
於三秋譬之築室棟宇既新而九筵弗陳何以獲乃
安於五夜此圖近者所以必慮夫遠而創始者所以
必謀厥終也神池觀華書院由來舊矣久閱星霜頻
穿鳥鼠桴琴陟利宗廟頌頽前任傅君詢之耆舊謀
之商紳爰積羨餘之財以為修葺之計茲於丁未之
夏量鼓爭操畚鍤具舉合月德日星而卜吉計木頭

竹屑以成功屋添十楹牆高數仞雲甍構就路可梯
青月斧修成室皆生白秩秩然幽幽然詢士林之津
逮而圖籍之淵涵矣今文義路禮門非過客栖遲之
所也芹水桑林非居人遊觀之場也有其地必有其
人諸生宜因時而習禮循其名必核其實宿儒乃以
道而得民苟館穀之未儲則居夏屋者難免權輿之嘆
膏火之無助則謹秋燈者恐昭鑿壁之羞豈經費可
以不籌而捐輸猶得少緩哉然而聖必鎔而為室腋
以集而成裘庀群材以作室乃支持而不壞合眾流

以觀海始浩瀚而靡涯試看金布祗園尚煩長者豈
有錢輸學校不藉群公用敢告之通衢襄其盛事或
捐子敬家中之米指即連困或捐尉遲庫內之錢取
憑一帖既多多之益善更生生於無窮紆月會之金
量入以紓其出稽日納之簿優出以給其酬其貧者
得有所資其富者亦有所勸庶幾衣冠之士萃於堂
中絃歌之聲達於戶外栽培既厚氣象日新雕龍吐
鳳之才接踵而至金馬玉堂之彥連步以升濬一邑
之靈源延千年之文脈斯已興者不至復廢經久者

相與有成所望城市達人鄉區善士不吝傾囊之助
用資負笈之勞鑄橫財州六爐何如此室造金塔三
千座莫比其功從此占陰德之星食文章之報吉金
貞石同垂延壽之銘蜜葉垂花豫織科名之記

甲辰重修龍泉寺碑記

前人

龍泉寺者城西內之大佛寺也廟內樓台殿宇規模
宏壯其中法象自然莊嚴特異創自前明本朝以來
重修者屢矣或以為神道設教用警愚頑或以為山
勢自來逶迤而來佳氣萃於西方斯寺興後山相應
皆有關於人心地氣者也每年七月間大會首事者
數十家香火虔奉共祈佛庇誠成事也數年來雨水
連綿殿宇傾圮法象摧殘欽瞻者慨焉每欲捐資重
修議者難之而董事數人秉志虔誠專心經理工程

之繁多所不慮也募化之辛勤所不辭也監督之勞
若所不惜也起於四月中旬告成於七月初旬金碧
輝煌煥然一新余謂廟貌之興廢關乎地氣地氣之
盛衰視乎人心人心衰則一方之事業俱衰人心振
則一方之事業俱振斯寺也當淫雨連年之後農傷
其稼工窘其業商滯其貨募修良非易易然而數人
倡之衆人從之而城西一帶寥濶之區賴斯寺之興
而煥然改觀焉是皆佛力之默為感動歟抑人心之
樂於從善歟將見斯邑之否而後泰者可因廟貌之
興而知人心振地氣轉善緣結而佛佑靈其在斯乎
其在斯乎余故樂得而記之是為序

邑侯魏公德政畧

廩生 谷如墉

公諱肇銓字衡三天津衛之滄州人也同治某甲子以臬憲經歷權篆斯土未下車中人某者先至受商人行費二十金金固常費也公至獻公公曰是何為者曰費也公怒曰費特賂之嫌名耳費可受賂亦可索乎遂遂某還商人金方公之未至也邑中有驢粟患蓋光是成豐間有某兵過境邑中羸馬不足供差使首事者議從牛驢攤款幫給羸馬久之弊生農民苦之遂名曰驢頭票於是非有力之家不敢畜牛驢矣公

聞之曰六畜者農人之手足也苟非腴削其脂膏誰敢自斷其手足乎因下令曰凡爾小民各謀爾生苛政之苦吾為爾去百姓聞之莫不欣欣然爭畜牝牡一時畜市價廉者且增數倍焉自公蒞任後凡有差使公輒捐廉獨仕不令分毫拖累民力或謂公曰官曩中所積几何何堪費以為惠耶公曰使吾欲充民之財也吾何費焉終公之任神民不知有差使患同治十年邑民之無知者為朔州左道煽惑冬月某

夕携春而竄者諸村或數百家里長聞之於公公惻然曰是愚民也或曰姦民公曰姦民特倡端之數人耳凡墮入者皆愚民也令里長護其家毋使居民攘竊之已而竄者返感公之誠咸俯首待罪於堦下比見公公泣竄者亦泣頃之乃令諸餘人各取保歸僅留知名者一二人候訊案既結更為作歌以勸之厥後教匪之亂神民無一人竄入蓋服公之教也深矣神邑之俗吏循而役悍甫公未至時邑中有所謂官店者皆積年蠹役或城市土豪去衙署數十武開設

之涉訟者拘其中經旬累月不能覲官長一面公至
趣除之且立限凡案經十日不齊者吏役均有罰令
初不聚訟者紛紛一日之間或十數案漸而五六案
漸而三四案數之月後訟靖庭閒矣其他事神勤民
農商學校舉凡興利除弊諸善政有述之不勝述者
去之日邑人擁道攀轅宛然孺子之失慈母焉余時
方赴郡應學使試值公去政還省道經府城余與諸
庠友送之郭外涕泣而別丙子秋余應試至省省城
人猶為余言公之循良既又聞公以勤廉舉卓異余

方尊公之大有為也迨己卯秋余復至省而公已溘
然逝矣公之歿也廩無餘財堂姪有行七者或傳其
賣卜於市余遍訪之未獲見焉退即欲為公誌其概
適倉猝未就今歲春會修縣志余退而思曰志者將
以記一邑之人物名宦也以公之賢而不與焉安所
志哉因不揣簡陋而為之述其梗概焉 嗚呼公宰

吾邑持二十五月耳而流風善政至今閱七八年之
久猶嘖嘖人口弗衰假便得膺顯職其深仁厚澤入
人之深當不徒神民思之矣惜不得志而旋而去旋

而終是亦公之不幸耳雖然公歿矣而是傳以區區
俚言得附驥尾方且入董狐之目經天渠石祿之校
閱是文且以公傳也公又何為不幸哉

烈女劉氏傳

廩生 谷如岡

故民馮某之妻同邑劉氏之女也及笄字馮馮天閣
也聘氏而氏父母始知之因而欲悔之以告氏氏曰
人生之榮辱苦樂命也使生人得盡室家歡天下之
僧尼女道當又何如耶且兒性僻曾不知人間有歡
樂事誠得為在家尼終身守空蒲團固所願也父母
徐測之見其終不易究亦不之奪及適馮馮父母令
馮常諱之寢處之際若相敬然氏亦以敬事之誠若
為不知也者馮固貧既而馮父母相繼卒窶益甚馮

憂之氏曰天下固貧者多而不貧者少且君雖不習經史亦頗能弄柔翰君以筆耕妾以鍼織不至不能度餘年何戚戚若是耶馮聞之意釋稍閒數年馮以弱管入行陳為伍書胥未幾而征書下馮於是戍蕭關矣鄰嫗謂氏曰人生如伯駒過隙癡孃子詎不畏紅顏化為白髮耶氏正色曰紅顏可化而為白髮貞心不可易而為柔面里戚聞之無復敢以他言進者無何而馮歸行亦卒或戲曰假嫗婦今為真嫗婦矣氏亦笑應之曰使昔之日之嫗婦為假今日之嫗婦

不得為真矣都人士咸聞而歎服之馮之未卒也馮兄嫂已先馮歿遺二子長起泰早夭次起魁愿而弱氏撫之無異已出及馮卒氏謂魁曰吾昔以孀為母今且以母為父矣癡嬌性母再使不然樸矣日令其從師肄業膏火費皆以井臼縫紉助之後魁補博士弟子員氏之教也氏今年七十有奇矣余嘗欽其貞烈今歲庚辰會修志

邑侯在公令採訪邑之忠孝廉節余因以氏事進

公曰汝既知之汝曷為氏傳之余以筆拙辭公曰事

以文傳文亦以事傳且志實錄也與為文之華不若事之質耳余不敢辭因述其顛末而為之傳

贊曰余觀今之婦人適富貴之家擁綺羅而令婢侍固所優也不幸而為貧家婦下堂請去覲然而為之耳假令其處劉氏事其尚能一朝居乎乃劉氏者始而父母悔之繼而里感導之不旋踵而天假之便而馮亦死稍不自持不能使白璧無瑕矣而顧能堅貞自矢初終不渝非秉性節烈曷克此余因表而出之以為閨閭風焉

藝文詩

周

反命河朔始入武州

庾信

輕車初逐李定遠未隨班受詔祁連返申威疏勒
還飛蓬損腰帶秋鬢落容顏寄言舊相識知余生入關
元

過武州贈僕散舍人

耶律楚材

班姬流落到而今聞道翻身入道林歌扇舞裙忘舊
業藥壚經卷伴新吟閒眠白晝三杯醉靜對青松一

曲琴更看他年樓隱處蓬山樓閣五雲深

知武州嚴亞之見寄

前人

今年又得亞之詩每歎風雲遇會遲拙運且淹童子
役雄才宜作帝王師羨君筆下揮十字知子胸中蘊
六奇靜對西風和新句淒然南望動深思

宿八角

高叔嗣

嚴更金柝起杪歲玉關寒行侶時相問邊城進更
難歸心惟日夜客髮已星殘仰見中林羽投枝亦未安

修邊謠

尹耕

去年修邊君莫喜血作邊牆墻下水今年修邊君莫
憂石作邊牆墻上頭邊墻上頭多凍雀侵曉霜明星
漸落人生誰不念妻孥畏

國朝

查勘關隘遍歷大邊內外紀事

寧武府知府

魏元樞

長城盡日此經行誰挽天河洗五兵磧外風高飛鳥沒
回中沙軟馬蹄輕烽烟已靖千秋色旌旆空懸萬里
情甌脫遍沾新雨露不妨縛袴到儒生

驅車千里出重關高捲雙旌過市關豈有胡笳吹漢

月曾無牧馬到陰山連天阡陌新疇拓卧草牛羊野
性間王化祇今數海外何須亭堠出雲間

永訣

郭氏

紛紛淚下仰天呼舉目周親四顧無枕上病扶雙幼
女家閒事囑一痴奴中年身死恩先負遠路人歸興
已孤獨有一般心最痛自慚老蚌未生珠

兩女比肩八九齡今將誰托好叮嚀不嗔司命甘長往
欲待征人願少停我語料難傳夢境君書豈得到
泉扃未知後事終何若總死惻惻目未瞑

老奴千里報君知借口還同寄遠詩薄命無成空屬
續良緣有會早牽絲不嫌好路遮偏久自愧殘輪讓
獨遲事畢歸來拭淚眼但看白髮抱佳兒

瘡痍雖復痛猶思况是瘡痍未復時總令揚州今
跨鶴休忘虞國昔烹雌君猶未改輸財我獨曾憐
乞米詩十載窮途言不盡迴頭歷歷事堪追

人世長辭未足嗟但憐夫主在天涯病因抱恨常撐
腹死為含冤亦錯牙寂寞身猶沉水石飄零女似覆
霜花殘宵眼淚紛紛下更有何人問碧紗

行部口占

神池縣知縣

黎銓

鞭絲遙指夕陽紅馬首西來又復東
暫息棠陰情畢照一鄉民俗一鄉風

道旁鵠立俟行老兒童喜送迎
還顧眼前皆赤子安懷無術苦為情

嘉禾稂莠不同生非種嚴鋤愜衆情
擊壤臨風歌一曲桑麻鷄犬樂昇平

絕無草木草山聖贏得山名只號童
圖畫寫來難出色要添雲氣作奇峯

風雪連宵亦太强南人北地苦相當
一寒澈骨誰憐恤夢入甜鄉是火床

關開窰洞两三間窗戶裝成却是山
不怕狂風不怕雨夏涼冬暖自安閒

留別俚言

前入

家風儒素豈遐陬安得學優更仕優
三載衝衢聊待兔十年僻壤許藏鳩
任情未必都情愜喜事終貽債
事憂日坐皇堂名父母萬民痛癢見問不

亂夢醒時燭影沉齋頭兀自滌煩襟
牛刀偏覺鋒鋌

頓馬齒徒憐歲月侵五斗骨羈彭澤足三秋遙繫李
鷹心不如歸去聞啼鳥檻外頻催感慨深

裘葛重更又一年輪蹄往復瘁風煙傾囊應是前生
債聚首還因未了緣萬里歸途難縮地半窻明月且
談天民情愛我如當日樽酒盤飧樂綺筵

雁門關外冷風塵堪笑阿婆相易貧久客竟難離慣
地無官轉得遂問身再來賢令休思我相對華屏每感
人怕廳驪駒頻入唱河梁握手倍酸辛

竹枝詞

歲貢
宮含藻

乍寒乍暖渾無定當午乘風晚着綿自是邊城多氣
候日中常備四時天

紛紛雜劇出東郊迎得春來豆谷拋着意尋春春不
見東風吹上柳枝稍

凶歲紀事

宮凌霄

為古飢饉除人荒亂似麻誰憐新白骨已滿白黃沙
夢統邊雲遠魂穿歲月賒傳聞村落裡只有兩三家

黃河橫北塞白露滿孤城夜冷猶能耐家貧不可撐
流離爭羊死逃竄乞餘生如此荒涼際嗷嗷何處行

滿目悲生事胡為盡失羣弟凡同一哭妻子各中分
有夢隨鄉月無家逐塞雲何時安集後收拾淚紛紛
歲月累年窮提携老幼同客愁驚斷雁鄉夢寄歸魂
室盡如懸磬人多似轉蓬邊方萬餘里寒菜小園中
日落近黃昏匆匆不閉門咽空連菜草食盡及鷄豚
夜哭分初手炊烟稍見村不堪問消息涕淚滿乾坤

歲饑紀事

恩貢 宮孔昭

流離何地不傷情况復蕭條塞北城火照千家微有
影杵懸萬戶寂無聲自從老幼離鄉國便向關河寄死

生最是難忘今世故天涯散亂幾時平

神池風土絕句

廩生 宮士式

清流五道繞城馳城苦龜形枕海湄更有頭樓望
海佳名斯號曰神池。不論山田與水田胡麻麥豆
種年年夫耕婦鋸相隨外賸有兒童叱犢鞭

無邊沙氣入雲黃捲地風來壓帽狂豈但行人歌失
路寒鴉斷雁不成行

士子紛紛半習農占情課雨到三冬帶經非不科名
計食力常須自顧傭

挑煤穉子作生涯亦復鋤園健婦加笑煞阿婆無个
事倒倚牆背弄嬌娃

桴鼓喧闐老幼同蘆芽乞雨跪炎風雲從嶺畔施甘
澤巖頂人看日正紅


驅牛屋上種田齊田下窰窩作洞底莫道黃農今不
見猶留穴處古黔黎


麥川口與古長城一線牽連路不平地為苦寒艱五
谷天留牧野活羣生

莫道嚴冬積雪寒凌空舞雉任盤桓鋪來一色山河

白任取琉璃世界看

覲華書院歷年多膏費無存喚奈何若得關西夫子
助武城曾見不絃歌





原件收藏

山西省图书馆

原件书号

101795-800

原件状况

原件个别地方字迹模糊

神池縣志十卷首一卷

清崔長清修 如庸纂

民國抄光緒六年本

六冊

本部书共摄制 1 卷 神池縣志十卷首一卷

版权所有 不准复印

本部书完

本片卷含：神池縣志十卷首一卷